









東坡外制集目錄

七卷

傅堯俞吏部侍郎

趙瞻戶部侍郎

王克臣工部侍郎

李之紀廣西提刑

田衍問淮南轉運判官

孫昌齡知福州

馬默司農少卿

兩浙運副許懋再任



蔡濠兩浙運判

范子淵知交州

崔氏特封永嘉郡君

皇叔皇兄追封

士澹西頭供奉官

童湜特叙內殿崇班

謝御材福建轉運使

趙俛淮南轉運副使

呂溫卿李元輔除知州

王誨知河中府

邵剛通判泗州

荆王楊王所乞推恩八人

張禧轉三官

鮮于侁太常少卿

范祖禹著作郎

孫覺給事中

皇伯祖克愉贈開府

蕃官兀渥常等覃恩轉官

宗晟母孫氏封康國太夫人

劉瑄知恩州

皇叔曹封廣平侯

李司供奉官

張汝賢發運副使

狄諮劉定各降一官

范子淵知峽州

劉錫永父元承事郎

叔頗男收之三班借職

鮑耆年張岫除運判

李周太僕少卿

范純禮吏部郎中

余希旦知濰州

王<sub>之</sub>知衛州

郭祥正覃恩轉承議郎

王崇拯遙郡刺史

謝泉三班借職

皇伯仲郃贈使相

士暇右班殿直

克鞏遙郡防禦使

劉夔閣門祗候

王安石贈太傅

楊繪知徐州

陳薦贈光祿大夫

呂穆仲唐義問除提刑

沈叔通知海州

孫向保州通判

鄧闢朝散郎監邕州偵

荆王新婦王氏潭國夫人

劉庠贈太中大夫

李宗知吉州

高士良文恩副使

呈叔叔遂追封河內侯

孝騫孝治等逐州團練使

呂公著妻魯氏贈國夫人

仲暹遙郡防禦使

韓維妻張氏同安郡夫人

中卷

司馬光贈三代妻

張恕將作監丞

趙濟知解州

孝承之知青州

韓維贈三代妻

趙濟落職管勾中岳廟

王彭等三人除知州

王子韶周尹除郎中

蔣之奇知潭州

皇伯祖宗勝贈北海郡王

劉有方昭宣使

宋滋右侍禁

鞠承之澧州通判

文及衛尉少卿

李杲卿等四人除漕

童珪父參承務郎致仕

單可度三班借職出職

智誠知宜州

張仲左班殿直

張誠一分司南京

陳侗知陝州

傅燮知鄭州

姚居簡轉三班借職

賈種民知軍呂升卿通判

張世矩再任鎮戎軍

劉宜知韶州

呂惠卿責授節度副使

許懋知福州

喬執中張安止除漕刑

宇文昌齡祝庶除郎官

侯利達等五人除漕刑

王績知太康縣

張婉衛尉丞韓敦立倅齊州

喬執中吏部郎中

蘇子元權知新州

楊汲等二人落職除知州

趙高轉朝議大夫

趙思明知永靜軍

鮮于侁大理卿

吳茂厚賈種民除知軍

顧臨唐義問除漕使

張問秘書監

范子奇將作監

錢長卿節義救除郎官

林鄧太僕丞何琬鴻臚丞

文保雍將作監丞

李甫公等四人除知州

高公繪公紀防禦使

李之純戶部侍郎

穆衍金部員外郎

孫路陝西運判

蘇頌刑部尚書

王公儀程高除瓌漕

呂由庾太常寺太祝

杜訥鍾離景伯除少卿監

辛押陀羅歸德將軍

高子壽三班借職

李肩尚藥奉御

耿政東頭供奉官致仕

喬執中吏部郎中

下卷

李之純河北都運

呂大臨太學博士

羅適程之御除赤縣

東坡先生集目錄 七  
杜純刑部員外郎

劉建知陳留縣

皇伯仲暉贈東陽郡王

杜紘右司郎中

裴景等三人知州軍

楊晟該吳奉雲各轉一官

呂大忠發運副使

蔣之奇知廣州

吳安持劉程除知州

謝知材陝西轉運使

李曼知果州

黎琦知南雄州

張赴丹任乾寧軍

皇伯仲嬰追封中國

林邵開封府推官

鄧義叔王諤除郎官

王荀龍知棣州

黃憲章承事所

劉執子兼侍讀

處士王臨武太學錄

皇叔克春進封濟陰侯

寇彥卿彥明左班殿直

張敦禮節度觀察留後

內人張氏特封典贊

故尚宮趙氏特贈御君

馮宗道梁惟簡內侍押班

梁從吉入內內侍省副都知

劉有方內侍省右班副都知

翟恩等三人知州軍

馮大正大理寺主簿

張之諫康識除知州

梁譔供備庫副使轉出

燕若古知渝州

孫諤鮑朝信宣義郎

王振大理少卿

李巖宣德郎

趙思明西上閣門副使

李承祐內殿崇班

蕭士元趙永寧知州軍

黃光瑞內殿崇班

文昭慶都官郎居中宗正簿

皇兄令史贈博平侯

高士永知文州

高士績士居左班殿直

梁惟簡皇城副使同上

范百禄刑部侍郎

朱光庭王親左右司諫

鮮于侁梁燾左右諫議大夫

王巖叟侍御史

錢鏐給事中

明堂執政加恩

韓維

張杲

李清臣

安燾

范純仁

呂大防

韓忠彥黃履轉朝請卽

克愛仲號並遙郡團練使

王獻可洛苑使

陳次升淮南提刑

杜純大理少卿

郭駿開封府司錄叅軍

林希中書舍人

東坡外制集目錄



東坡外制集卷上

南豐署教諭綽宗道

給事中兼侍講傅堯俞可吏部侍郎

敕士以德望進則風俗厚而朝廷尊以經術用則議

論正而名器重此君子所以難合而朕亦難其人焉

具官傅堯俞博學篤行久聞于世歷事四世挺然一

節懷道不試十年于茲朕欲聞仁人之言置之講席

非堯舜之道蓋未嘗言給事黃門未究其用往貳太

宰益脩厥官董正治典以稱先帝復古之意可

太常少卿趙瞻可戶部侍郎

敕理財正辭禁民為非曰義先王之論理財也必繼

之以正辭名正而言順則財可得而理民可得而正  
自頃功利之臣言政而不及化言利而不及義中外  
紛然朕益厭之具官趙瞻明於吏事輔以儒術忠義  
之節白首不衰爰自秩宗擢貳邦計將使四方之人  
知予以耆老舊德居此官者蓋有益徹之意焉可

王克臣可工部侍郎依前龍圖閣直學士

敕朕承先帝之不業居其宮室而服其器用常懼不  
稱而何敢有加焉惟是軍國之備凡仰于百工者乃  
以諉于冬官有事于斯當識朕意具官王克臣奮自  
儒術蔚為聞人歷帥諸藩嘗佐事典才有餘裕所

見稱此由宛丘人奉朝謁而司空長貳艱於其人  
命爾以舊官仍兼內閣之重勉率厥職外以成爾繕  
治之勞內以全予恭儉之志可

祥符知縣李之紀可廣西提刑

具官李之紀近自畿甸遠至海隅朕視其地如戶庭  
視其民如一家爾賦政赤縣而庶平之稱達于朕聽  
是用命爾按刑嶺表其一乃心毋或鄙夷其民如在  
朕側徃惟欽哉

知楚州田待問可淮南轉運判官

敕具官田待問朝廷取材必始於治民異時吏或不

更郡縣而任刺舉剛柔失中民以告病以爾端靜敏  
恪悃幅無華試干劇郡吏民宜之其即本道以寬爾  
才往悉乃心毋使厥聲減於治郡可

兩浙轉運副使孫昌齡可秘閣校理知福州

敕具官孫昌齡爾奉使吳越而蕪平之稱達于朕聽  
七閩之會其民智巧易以理服難以力勝今命爾為  
守惟寬而明民乃宜之朕方復文館之職以廣育才  
之路遂以命爾往惟欽哉可

知徐州馬默可司農少卿

敕具官馬默爾以博學強記宏毅有守剛而不犯明

而不苛歷試中外諳然有聞朕方選擇循吏入為佐  
佐凡爾所能已試於外者其以告我而力行之徃佐  
大農毋忽朕命

兩浙轉運副使許懋可令再任

敕具官許懋吳越之人凋敝久矣朕方蠲理煩碎以  
安養其衆非得循吏察視郡縣均通有無則民何賴  
焉以爾儒術精通吏事詳敏歷年于茲民便其政既  
信之俗必易為功庶無新故更代之勞而有上下相  
安之美勉脩前業無怠日新可

新淮南轉運判官蔡勝可兩浙運判官

首目前

東坡先生集卷之十一  
二  
敕具官蔡滕云云以爾名臣之子進以儒術歷佐漕  
府治辦有成東南富庶比於西蜀而機巧過之惟寬  
且靜則民不媮可

司農少卿范子淵可知兗州

敕具官范子淵朕於士大夫未嘗求備也將歷試以  
事而収其所長有司言汝治河無狀耗國勞民積歲  
而功不成朕惟水土之政與郡縣異其觀汝于牧民  
尚勉來效以蓋往愆可

故樞密副使包拯男太常寺太祝縉之妻壽安  
縣君崔氏可特封永嘉郡君仍封表門閭

韓氏汝甲族之遺孤大臣之家婦夫亡子夭孺然  
無歸而能誓死不嫁撫養孤弱使我嘉祐名臣之後  
有立於世惟汝之功昔衛世子蚤死共姜自誓詩人  
歌之韓愈幼孤養於嫂鄭愈喪之暮若崔氏者可謂  
兼之矣其改賜湯沐表異其所居以風曉郡國使薄  
於孝悌者有所愧焉可

皇叔某贈婺州觀察使追封東陽侯

皇兄某贈蔡州觀察使追封汝南侯

敕生分竹符所以廣恩於宗室沒享第社所以寵綏  
其子孫眷予盤石之宗夙被麟趾之化國有常典我

其敢忘某等生于高明克自抑畏恭儉寡過綽有士  
人之風忠孝著聞蓋服祖宗之訓屬既尊于中外禮  
當極於哀榮命以庶車即封其地爰疏五等之貴以  
慰九原之思庶其有知服我休命

士澹可西頭供奉官

敕具官士澹汝宗室子生于安逸而能誦習文法以  
求自試蓋亦有志於士者朕何愛一官不以成其志  
乎可

童澁可特叙內殿崇班

敕具官童澁汝奉法不謹坐廢歷年而能祗畏以益

前失既更大肯稍復汝舊往服厥官益敬無怠

謝卿材可直祕閣福建轉運使

敕具官謝卿材先王設官制祿非特以勸功興事也  
將以觀士之所守而進退之惟愛身者為能愛民惟  
知義者為能知利以爾臨事有守信道不回治郡有  
方奉使不擾力行古人之事庶幾循吏之風釋此大  
邦付之一路仍進直於書府俾增重於使權無輕遠  
人謹視貪吏政成民悅朕不汝忘可

趙備可淮南轉運副使

敕具官趙備汝昔為文登守而海隅之民至今稱之

推文登之政達之齊魯刑平賦簡所部以安今淮南  
之人困於征役而重以饑饉汝往按視如京東之政  
以寬吾憂可

呂溫卿知饒州李元輔知絳州

敕呂溫卿等監司郡縣其職不同其為養民一也夫  
安靜之吏悃惓無華日計不足歲計有餘今自部使  
者移治一郡其深念之服于朕訓以求終譽可

王誨知河中府

敕具官王誨汝以名臣子老於治郡所至安靜吏民  
宜之河東吾股肱郡方唐之盛世有賢守風流未遠

陶像其存勉思古人以紹前烈可

邵剛通判泗州

較具官邵剛詩云淑問如臯陶在泮獻囚獄訟之事  
固儒者之所學也汝官于上庠既習其說矣其往試  
之可

荆王楊王所乞推恩八人

具官某等或以方伎世其學或以歲月積其勞給事  
王宮既勤且久增秩改授以旌其能往服休恩益敬  
無怠可

西頭供奉官張禧得三級轉三官

東坡外集卷之十一  
六  
敕具官張禧驢場之政以首虜計功所從來尚矣爾  
既應格則賞隨之可

鮮于侁可太常少卿

敕具官鮮于侁奉常之職非特以治郊廟之度服噐  
之數而已國有大政事大議論必稽焉昔魯秉周禮  
齊不敢謀而晏子太師折衝於樽俎之間國之典常  
君臣之名分上下守之有死不易則國安而民服朕  
選建卿士付之禮樂意在於此非我老成之人學足  
以通古才足以御今智足以應變強足以守官深於  
經術達於人情其孰宜之詩不云乎彼己之子邦之

司直往修厥官無斁朕命可

范祖禹可著作郎

穀具官范祖禹左右起居東觀著作皆史事也今左  
春史獨書已行之政有司之常事至於廊廟大議君  
臣相與之際所以興壞治忽之由一歸於東觀則著  
錄之任顧不重歟非得章亮多聞古之所謂益友者  
奮筆於其間則善惡贊亂後世無所考信汝既任其  
事矣益進而專之朕苟有過猶當直書而况其餘乎  
往祇厥官無曠乃職可

孫覺可給事中

敕朕聞明主在上凡侍從皆得言若其不明雖臺諫亦失職朕以冲眇丕承祖宗未堪多難之憂常恐不聞其過下至執藝猶當盡規豈必諫臣而後論事矧茲封駁之重任參黃散之間知無不言職固當尔具官孫覺行不遠道言不遠仁處以孝聞出以忠顯先帝所以遺朕天下謂之正人屢告嘉猷固非小補間自西省遷之東臺而覺方進陽城之直詞固懷蕭生之雅意重違其請閱月于茲卒採群言以遂前命以爾抗章伏閣之志施於還詔批敕之間其一乃心以

稱朕意

皇伯祖克愉可贈忠正軍節度使開府儀同三

三

敕國家蒙累聖之餘澤眷宗室之多賢雖設官以董  
其私置傳以導其學而重以吏事責之懿親青衿而  
服簪纓白首以奉朝請雖有間平之盛德歆向之異  
材皆湮沒而無傳故嘆息之何及尚賴本文之茂蔚  
為邦國之華不幸云亡惻然永悼具官克愉忠厚以  
為質禮敬以自文持滿矜高蓋得諸侯之孝履信思  
順合於大有之賢小心自將沒齒無過方朕不言之  
際遽茲永逝之悲日月有時寔宥告具賁以旌旄之

寵仍兼將相之榮豈獨慰九泉之思亦將勸度邦之  
義可

蕃官兀堊常等十二人覃恩轉官

敕且官某等錯居吾國世濟其忠矧茲臨御之初豈  
有之外之異各從遷秩以廣異恩祇服寵靈光盈堅守  
禦可

高密郡王宗晟建安郡王宗綽所生毋孫氏封

康國大夫人

敕毋以子貴春秋之義也朕方因親以教愛庶愛以  
及民封節婦之間以勸能賢賜高年之爵以助養老

而况屬籍至近賢主篤生欲大慰於慈心宜特擢  
異數孫氏四德純備五福荐臻豈惟擢秀於閨門固  
已流芳於宮闈舉觴坐上有伯仁仲智之賢持節洛  
濱皆汝南琅琊之貴爰改封於樂土俾正位於小君  
服我休恩介爾眉壽可

客省副使劉瑄知恩州

敕軍國異容兵民異道治戎振旅以執焉勇為上承流  
宣化以忠厚為先爾久練武經本由才選屢更煩使  
克有成勞試于一州祗服朕訓可

皇叔叔曹贈洛州防禦使封廣平侯

東坡全集卷之九  
九  
敕官至持節爵為通侯非我勲勞之臣則必親賢之  
屬豈云虛受維以飾終具官叔曹生於高明力自脩  
飭克有常德以沒元身乃眷衡漳夙為重地爰假一  
麾之寵就分五等之封庶其有知服我休命可

左侍禁李司可供奉官

敕蠢尔裔夷憑嶮竊發不時討擊何以懲艾爾能奮  
命破走犬羊何愛一官以勸吏士可

張汝賢可直龍圖閣發運副使

敕具官張汝賢朝廷於南方復置都漕者所以均節  
諸路之有無使歲課時入而已非以求贏也至俗吏

為之則多収羨財以幸恩寵而民受其病以爾昔  
御史號稱敢言奉使江表罪人斯得庶幾知義利之  
分者是以命爾寵之新職往惟欽哉

狄諮劉定各降一官

敕具官某等奉使一路以卹民奉法為先今乃不然  
煩酷之聲溢于朕聽公肆其下典法受賕収聚毫末  
與農圃爭利使民無所致其忿至欲賊殺官吏朕以  
更赦置之閑局而公議未厭其削一官往思厥愆服  
我寬政可

范子淵知峽州

東坡夕集卷之十一  
十  
敕具官范子淵汝以有限之財興必不可成之役驅  
無辜之民置之必死之地橫費之財猶可以力補而  
既死之民不可以復生此議者所以不汝置而朕亦  
不得以赦原也夷陵雖小尚有民社朕有愧於民而  
於汝則厚矣可

宣德卽劉錫求父元年一百四歲可承事卽

敕劉元年尚齒教民三代之義咨爾百年之故老乃  
吾六世之遺民自非吉人莫享上壽張蒼事秦柱下  
而至漢孝景思邈生隋開皇而及唐求溥古有其人  
乃今親見何愛一命慰其子孫可

叔頗勇敢之可三班借職

敕取之汝父無祿早世緣母之請以獲一官其思所以克家事母者惟敬母忌可

鮑老曰年京東運判張响京西運判

敕具官某等朕惟百姓之命寄於郡縣而守令之賢不能人知其實獨賴部使者為朕耳目而已爾長一郡以才良聞進之漕屬以究其用其使上無惰吏下無寃民以稱朕意可

李周太僕少卿

敕具官李周僕臣正厥后克有見於周書思無邪思

馬斯臧形於魯頌朕命此職亦難其人以爾秉心不  
田臨事有守通練世故灼知民情所以望爾者豈特  
車工焉政而已哉可

范純禮吏部郎中

敕具官范純禮嗚呼維乃顯考克明德秉哲以左右  
我仁宗俾配德於堯舜天亦維相之使世有人以任  
我樞機將帥之事今汝獨在外計朕惟瑚璉不可以  
襲用驥騮不可以小試命以天官之屬其少進之益  
觀其能往欽哉可

余希旦知濰州

敕具官余希旦爾本以才選坐累失職亦云久矣  
余人肯罔不更新北海名邦民朴而富往務忠厚  
安其生可

王哲知衛州

敕具官王哲凡我四朝之舊經德秉哲篤老不衰者  
今幾人哉以爾好學守節名在循吏而久不治民朕  
甚惜之太行之麓民朴訟簡守以安靜莫如汝宜可  
郭祥正覃因轉承議郎

敕具官郭祥正朕丕承六朝陳錫四國覃及方外漢  
于有生矧余迪籍之臣可無增秩之寵祗服休命求

有一心可

王崇拯可遙郡刺史

敕具官王崇拯刺史漢官秩六百石魏晉以來皆牧  
守之任今雖以為勇爵然非親賢動養不在此選爾  
入直禁省出分虎符兵民所宜選寄滋重有司言爾  
累勞當遷益脩厥官以應名實可

潮州澄海第六指揮使謝皋可三班借職

敕謝皋汝自什伍長積勞累遷至一旅極矣今乃以  
去惡之功獲補武吏惟庶與慎乃克有終可

皇伯仲詔贈使相

親親以藩王室賢賢以尊朝廷古之道也以於  
之際恩禮之重國有常典我其敢忘皇伯具官  
御生於高明克自祇畏出就外傳聞好禮之稱退省  
其私有為善之樂云何不淑惟此閔凶慰我求懷豈  
無異數衮衣赤舄寵均三事之臣玉節牙璋坐享專  
征之器豈云虛授維以歸終庶幾有知服我休命可  
士暇右班殿直

汝宗室子始名而祿得之非艱守之惟艱祇服朕訓  
乃克終譽可

克鞏遙却防禦使

朕於宗室無所愛也然猶不欲虛授以速人言得之  
惟艱乃罔後悔凡有進秩必付有司攷其歲月察其  
行義則朕與汝皆無愧豈不休哉

劉奭閤門祗候

惟我神考篤二將帥生則厚其寵死則恤其孤將使  
識朝廷之儀習軍旅之事于無忝厥祖以世其家成汝  
之志可謂至矣將何以報之可

王安石贈太傅

敕朕式觀古初灼見天命將有非常之大事必生希  
世之異人使其名高一時與子貫千載智足以達日遠

辯足以行其言瑰瑋之文足以藻飾萬物卓絕之行  
足以風動四方用能於期歲之間靡然變天下之俗  
具官王安石少學孔孟晚師瞿聃罔羅六藝之遺文  
斷以己意糠粃百家之陳迹作新斯人屬熙寧之有  
為冠群賢而首用信任之篤古今所無方需功業之  
成遽起山林之興浮雲何有脫屣如遺屢爭席於漁  
樵不亂群於麋鹿進退之美雍容可觀朕方臨御之  
初哀疚罔極乃眷三朝之老覲在大江之南究觀規  
模想見風采豈謂告終之問在予諒闇之中胡不百  
年為之一涕於戲死生用捨之際孰能違天贈賻哀

榮之文豈不在我寵以師臣之位爵為儒者之光庶  
幾有知服我休命可

楊繪知徐州

敕楊繪士有拙於謀身而巧於治民踈於防患而密  
於慮國其自為計則過矣而朕何疾焉先帝龍興首  
擢用爾置之臺諫以直諒聞言雖無功效於今日簡  
易輕信失之匪人坐廢十年陶然自得詩人所謂豈  
弟君子者繪庶幾焉彭城大邦吾股肱郡政成民悅  
朕不汝忘可

陳薦贈光祿大夫

昔我英祖博求天下之士以輔翼我神考于東  
二十餘年之間山陵既成人物改謝顧瞻在廷一二  
臣外罔有存者朕惻然傷之永懷其人具官陳薦剛  
毅木訥器遠任重密勿左右以責難為愛君周旋藩  
輔以卹民為報國淪喪未幾風烈如在雖死者不可  
復作而追榮之典猶足以寵綏其子孫且使朴忠守  
道之士知朕意之所予者可

呂穆仲京東提刑唐義問河北西路提刑

敕先帝立法更制所以約束監司守令使不得營私  
而害民者可謂至矣朕始罷賦泉之令復征徭之法

東坡先生集卷之十一  
十一  
凡先帝之約束當益申而嚴之使出力從政之民無  
所復病以爾穆仲等或端靜有守敏於為政或直亮  
多聞志於仕道而京東河朔皆天下重地也往脩厥  
官稱朕意焉可

沈叔通知海州

敕朕嗣位以來通商惠農施舍已責有不順成荒政  
畢舉而海濱之民群聚剽掠此吏不稱職備災無素  
之過也今選命汝惟往安之非勝之也民苟有以生  
矣其肯自弃於惡可

孫何保州通判

教孫何一郡之寄在汝守貳察姦舉能既復其舊  
則達政之吏可以有為爾通練民事既試有勞其從  
所請以觀來效可

鄧闢朝散郎

監邕州  
乃金坑

瘴霧之鄉上幣所出累年於此勤亦至矣法當遷秩  
以答久勞可

荆王新婦王氏潭國夫人

教易稱中饋為家人之正吉詩美羔羊蓋鵲巢之功  
致婦德有常含章不曜能使君子樂且有儀則內助  
之賢從可知矣王氏早服師傳習聞詩禮富貴而能

恭儉俯仰極於孝慈令問藹然刑于宗族其改封大  
國象服是宜以稱我叔父之德為內命婦之法豈不  
休哉可

劉庠贈大中大夫

敕國以求賢為事士以得時為急士既難進而易退  
時亦難得而易失日月逝矣歲不我與古人之難復  
見于今具官劉庠才備德博器遠任重逮事三朝出  
入二紀英祖神考實知其人而剛毅朴忠學不少貶  
肆朕嗣位疇咨故老如庠等輩不過數人方當召用  
命不少假使九原而可作雖百身其何贖寵章異數

賁于其樞雖知無益以塞余哀可

李琮知吉州

敕李琮汝以久遠無根之賦使畏威懷賞之吏均之于無辜之民民以病告聞之惕然使吏覆視皆如所聞既正其事矣而汝猶自言若無罪然朕惟更赦不汝深咎遷于一州徃深念之廬陵之富甲於江外使民安汝朕則汝安可

高士良可文思副使

敕高士良汝閱習民兵技藝超等課以歲月於法當遷往服寵靈益思來效

皇叔叔遂可贈懷州防禦使追封河內侯

救生于富貴而無驕逸之患終于祿位而有歸全之美始終之義有足賢者具官叔遂性於忠孝文以禮樂蓋蒙祖宗之澤而服師保之訓克有令問以沒元身是用爵之通侯官以持節上以惇勸於宗室下以寵綏其子孫可

揚王子孝騫等二人荆王子孝治等七人並遠

州團練使

救某等先皇帝篤兄弟之好以恩勝義不許二叔出居下外蓋武王待周召之意太皇太后嚴朝廷之禮

以義制恩始從其請出就外宅得孔子還其子之愛  
三聖不同同歸于道可以為萬世法朕奉侍兩宮接  
行新第顧瞻懷思潸然出涕昔漢明帝問東平王在  
家何等為樂王言為善最樂帝大其言因送列侯印  
十九枚諸子年五歲以上悉帶之著之簡策天下不  
以為私今王諸子性于忠孝漸于禮義自勝衣以上  
頽然皆有成人之風朕甚嘉之其各進一官以助其  
為善之樂尚勉之哉母忝乃父祖以為邦家光可

呂公著妻魯氏贈國夫人

敕婦人之德如玉在淵雖不可見必形諸外視其夫

有羔羊之直相其子有麟趾之仁則內德之茂從可知矣具官呂公著故妻魯氏名臣之子元老之婦所資者深故志存乎仁所見者大故動協于禮環佩穆然閨門化之而降年不永祿不配德其改封大國正位小君庶幾為女史之光非獨慰其夫子而已可

仲暹可遙郡防禦使

敕仲暹居貧賤而有聞易處富貴而無過難凡我宗室皆有位著雖不任以事無所施其才而刑于厥家有以攷其行日月其邁爵秩當遷朕不爾私服之息愧可

韓維妻張氏同安郡夫人

敕朕登進元臣專以德選退食委蛇省察其私有召  
南之風焉抑抑威儀惟德之偶非內有相貳何以及  
此具官韓維妻張氏生于冠族作配君子言有物則  
行應圖史宜疏湯沐之封以稱山河之象祗服明命  
佑我老臣俾無內顧之憂專任仰成之寄可

東坡外制集卷上

蘇軾詩集卷之六

東坡外制集卷中

司馬光三代妻

曾祖政太子太保

敕書曰皋陶爲種德種之遠故其發也難發之難故其報也大古之君子有種德於百年之前而待報於數世之後者昔聞其語今見其人某官某故曾祖某官某篤行有聞信於鄉國懷道不試遺其子孫天下吾欺再世而顯至于曾孫其德口躋衣繡裳進位于朝退有事于家廟其致朕命詔于有神尚食其報以康乃後可

魯祖母薛氏溫國太夫人

敕朕自通籍之臣皆有以寵綏其父母而自祖以上  
非予丞弼之家莫獲褻顯君子之孝至於尊祖以及  
其妣用邦君之禮以隆其家可謂至矣某官某故魯  
祖母某氏專靜有守柔嘉維則經之以孝慈締之以  
恭佞使清白之訓不墜于子孫而隱德之報可質於  
天地我有異數詔于幽窅崔第副筭尚服享之可

祖炫太子太傅

敕朕有元臣以德媚于上下民見其羽旄聞其車馬  
之音則稽首而聚觀之况其父祖墳墓之所在望其

草木蓋有流涕而拜者錫命之寵豈特以慰其家而已哉某官某故祖父某官某篤學力行追配前人仕道難進止於一命無疆之慶在其子孫風流未遠英烈如在歆予寵章以慰民望可

祖母皇甫氏溫國太夫人

教夫天人之際若不可知而善惡之報各以其類凡今富貴壽考光顯于世朕察其父母大父母未有仁而得之者也某官某故祖母某氏令德孝恭著于閨門好禮慈儉刑于姻族始生賢子以大其家而餘澤方茂福祿未究再世之後莫之與京愍冊追祭國

東坡先生集卷中  
有常典庶幾幽壤服我寵靈可

父池贈太師追封溫國公

敕朕聞盛德之士必與天合考之古人而無疑質諸鬼神而不慙雖不當世必有達者某官其故父某官某德為世範言為士則躬蹈險夷之節庶幾顏閔之行事我仁祖為時名臣而儒術之用止於侍從德澤之施極於方鎮天厚其世篤生異人不求而名自章不言而人自信皆曰君子之子宜為天下之用朕既采民言俾秉國成而淵源之深推本所自命以師臣昨之大國使人知有道之士雖沒有無疆之休可

毋聶氏温國太夫人

教古之烈婦著在史冊非有憂患不見名節若夫令  
德懿行秀于閨門而湮滅無傳何可勝數獨賴子孫  
之賢或以表見於世君子之欲得位行道豈非以顯  
親揚名之故歟某官某故毋聶氏早以淑艾嬪于德  
人恭儉信順以相其夫慈和嚴翼以成其子使朕得  
名世之士以濟於艱難其遺風餘澤蓋有存者改封  
大國正位小君非獨以報其德庶幾令名與子俱傳  
於天下可

故妻張氏温國夫人

見於夕集卷中  
三  
敕夫婦之好義同賓友勲瘁相成於艱難之中而死  
生契闊於安樂之後朕聞其事惻然傷之具官某故  
妻某氏少以女士不勤姆師歸于德門克有全問從  
我元老辭寵居約遊神清淨之庭守德寂寞之宅始  
終之際無愧古人我有寵章慰其未逝其正名於太  
國以從姑於九原可

張恕將作監丞

勅朕惟人材之難長育之無素事至而求有不可得  
是以訪之元臣大老之家推擇其子弟庶幾似之以  
爾名臣之子篤學好禮敏於從政試之匠事以觀其

龍爾克遠猷無忝乃父以稱朕意可

趙濟知解州

敕趙濟古者官有常人士有定論雍也可使南面求  
也可使爲百乘宰論定而官不浮則民服汝長西師  
歷年於此矣考之清議不曰汝宜尚畀一城以觀來  
效敬之戒之毋失朕命

李承之知青州

敕朕東望齊魯之國河岱之間沃野千里生齒億萬  
商農阜通儒俠雜居可以大度長者勝難以細謹法  
更治也具官李承之生于甲族世爲名臣屢試有勞

所見者大肆予命汝尹茲東土昔曹參爲齊問治於  
其師蓋公公曰治道貴清淨而民自定汝師其言則  
予汝嘉可

韓維三代

魯祖處均燕國公

較漢諸表之父于四世繼出五公唐諸溫之兄弟同  
時並列三省著在圖史古無擬倫眷予世臣有若韓  
氏億事仁祖始參大政篤生三千咸秉國成豈惟  
嗣世之賢實賴積善之報具官某魯祖某潛德不耀  
久而自彰天祚厥家世濟其美盛矣公曾孫之官獻爲

三壽之朋逮予纘嗣之初繼受艱難之託甚文而  
既直且溫旋觀純德之全尚識遺風之自是用因上  
公之舊秩開北國之新封仰以增廟室之光華俯以  
慰丞嘗之休惕可

曾祖母李氏燕國太夫人

敕朕惟公卿之家有能父子躬履一德彌亮三世非  
其淵源深長外有羔羊諒直之賢內有鴈鳩均一之  
助亦安能奕世秉義久而不忘者乎具官韓維曾祖  
母李氏育德名家作嬪良士珩璜之節動必以禮蘋  
藻之薦敬而有儀用能使其後昆丞弼我國家以無

數於世今其蒞政責任茲始余亦何愛大國不以易  
湯沐之舊可

祖保樞魯國公

敕朕方圖任股肱之臣以光大祖宗之業思廣斯志  
以及爾私人之念祖誰不知我是以推沛恩命褒顯  
前人具官某祖某躬服仁義著迹鄉黨積累深厚見  
于子孫或佐我仁祖之盛明或相我神考之休列遺  
風未遠故史尚存逮茲續承繼用耆哲朕旣恭默思  
道垂拱責成與其寵祿厥躬不若尊大其祖上以報  
昭烈之德下以勵移孝之誠肇新曲阜之封增寵

臣之贈服我休命益大爾家可

祖母郭氏周氏贈魯國太夫人

敕古者婦人爵因其夫貴以其子雖有過人之才絕俗之行不得所託不表於世今余輔臣父子兄弟先後相望以師長我百辟願推鴻恩光顯先烈維考維妣咸追錫休命肆予寵嘉之具官祖母某氏德稱閨闈化及宗黨允蹈家人之正居有鵲巢之福翟衣之盛由子而獲國封之貴及孫而大茲用錫爾周公之履以熾韓氏之祧庶其有知服我新命可

父億贈真國公

救朕聞仁宗在位之久有同成康得士之盛不減武  
宣如儲藥石以待疾病如種梓漆以備器用凡今中  
外文武之選率多慶曆嘉祐之人而况一時之老  
成與聞當時之大政德業傳於父老儀刑見於子孫  
名在國史像在原廟朕用慨然想見其人具官某故  
父某少稟異材進由直道出為循吏入為名卿福  
祿終身而人不疵富貴奕世而天不厭實生三子翼  
輔兩朝旌旄交馳檠戟互設朕欲貢其家廟而貴  
已窮於人爵故封大國益著隆名庶使昭陵之老  
臣求為比土之藩輔可

毋蒲氏王氏贈秦國太夫人

教慎終追遠仁也顯親揚名孝也得志行道澤可以  
及天下而富貴不能及其親天也雖不能及而追榮  
之典可以貫幽明褒大之訓可以表後世禮也嗚呼  
此亦仁之至義之盡矣且官某故毋某氏族為士望  
德為友師恭儉以相其夫嚴敬以成其子使朕獲老  
成之佐以濟艱難之功宜推異恩以報舊德可

故妻蘇氏永嘉郡夫人

教婦人有德行才智之能而不得施于事有言語文  
章之美而不得聞于人而况仁而不壽賢而不祿者

乎此詩人所以賦彤管而史氏所以傳列女也其官  
某故妻某氏少以女士秀于閨門來嬪德人動以禮法  
而不得與君子偕老翟第以朝衰哉若人命之不淑  
其改賜湯沐寵以訓詞庶幾采繁之遺芳不與宿草  
而其盡可

趙濟落直龍圖閣管句中無廟

敕趙濟有司言汝罪惡有狀小人有不忍爲而汝爲  
之朕惟羞汗措紳重置汝于理其退處散地以勵風  
俗可

王彭知婺州孫昌齡知蘇州岑象求知果州

敕具官某為吏莫不欲威而明威不可立也惟公則  
威明不可作也惟虛則明郡無大小民無剛柔事無  
繁簡政無難易惟公而虛無適而不治以爾用法之久  
不失仁恕折獄之多滋識情偽孫昌齡本象求改云端  
歷年吏其悉乃心施于有政不侮鰥寡毋擾獄市稱  
朕意焉可

王子韶主客郎中周尹考功郎中

敕王子韶等事有繁簡才有所宜要之即官天下之  
清選也朕有所擇於其人而無所輕重於其間以爾  
子韶博聞疆記老而能學以爾尹果藝而達知無不

為各率其職而用其長朕將觀焉可

蔣之竒天章閣待制知潭州

敕三后在上遺文在下炳若雲漢昭回于天乃眷藏  
書之府因為育材之地爰登秀傑以備顧問雖持節  
出使剖符分憂一掛名於其間遂增重於所蒞且使  
民見侍從之出守知朝廷之念遠也具官蔣之竒少  
以竒材輔之博學藝於從政敏而有功使之治劇於一  
方固當坐濡以終日勿謂湖湘之遠在余庭戶之間  
務安斯民以稱朕意可

皇伯祖宗勝贈太尉北海郡王

敕大以三公之位冠諸侯王之爵元勲盛德有不能  
兼非我父兄親賢之隆加之死生哀榮之極則朕豈  
以此授非其人哉具官宗勝生于高明克自抑畏忠  
厚以為質禮敬以自文貴窮人爵而無驕佚之譏考  
終天命而有歸全之美始終之際中外所賢日月有  
時窳窳告具備物典冊以將余哀豈獨慰九原之思  
蓋將勸庶邦之義可

劉有方可昭宣使依舊嘉州刺史內侍省內侍

押班

敕朕為天下父母推一心以馭百官內外雖異愛無

東坡先生集卷之九  
九  
差等皆欲其處無過之地受有名之賞則上下相安  
人無間言且官劉有方少知忠恪晚益詳練砥礪廉  
隅有搢紳之風祇畏簡書無戲怠之色歷歲滋久積  
勞當遷考之有司皆曰應法徃服新寵朕不汝私可  
宋滋可右侍禁

敕宋滋疆場之臣所以奮不顧身義不旋踵者以朕  
為能卹其孤也何愛一官不以慰死者之意且以為  
吏士之勸乎可

鞠承之可素州通判

敕鞠承之自恢復西鄙秦為內郡宿兵之衆有損於

前而遠輸之勞至相倍蓰軍政雖簡民事為重貶  
之職專在養民有司擇材曰汝可使往辦乃事無忝  
所知可

文及可衛尉少卿

敕文及汝三公子以才行聞擢置要劇衆以為宜而  
師臣執謙重違其請周廬宿衛職親而務簡雖未足  
以究觀汝能而退食休沐下車里門幹衣子舍豈非  
搢紳之美談而當世之榮觀乎可

李杲卿可京西轉運副使張公庠可廣東轉運  
副使楚潛可廣西轉運副使吳萃可廣東轉運

判官

敕某官某朕即位以來發號施令務求庶中而寬者  
喜縱忘心先帝之約束急者樂刻襲文吏之故態汝  
以才能治狀達于朕聽其往視之夫治民如牧羊然  
視其後者而鞭之可

董珪父參年一百二歲可承務即致仕

敕董珪父參古者天子巡守方岳之下問百年者就  
見之而絳縣役老趙武謫其輿尉今汝黃髮鮐背以  
上壽聞其可使與編戶齒乎往以忠孝教而子孫可  
單可度可三班借職出職

秋草可度在官滋久更事亦多而無大過有足嘉者  
往祇寵命益務廉平可

智誠知宜州

敕智誠蠢下裔夷譬之蜂蟻勝之不武不勝爲患惟  
爾守臣威信兩立勝之以不戰消患於未萌則民受  
其賜予惟汝嘉可

張仲可左班殿直

敕張仲歲之不易盜賊屢作爰設勇爵以勸追胥爾  
能奮身以除民害必信之賞其可忘乎可

張誠一責受左武衛將軍分司南京

教張誠一孝治之極天下順之不子之罰民之輕犯  
而貴近之間尚有誠一朕甚傷之乃者姦言詖行蠹  
國殘民之狀論者紛然方議其罪而恃德隱惡達于  
朕聽攷實其狀至不忍言詩不云乎行有死人尚或  
堪之禮曰父沒而不能讀父之書以為手澤存焉今  
汝之所為者何為至此極也縱朕不問汝亦何顏以  
處搢紳之列乎可

陳侗知陝州

敕陳侗士臨利害之際而不失故常者鮮矣以爾出  
入冊府幾二十年安於分義不妄附麗以干進取死

喪之威兄弟孔懷願為一郡以卹幼孤朕甚嘉之  
為九卿貳出為二千石此亦搢紳之高選也汝益  
勉之可

傅燮知鄭州

敕傅燮鄭廢為邑復為右輔經營繕完之勞民既告  
病而吏亦勤矣以爾樂易之政屢試有聞徃任其事  
寬信以御民強敏以御吏稱朕意焉可

姚居簡押本棧上京酌獎轉三班借職

敕姚居簡不煩民力而辦官事會其所運罕所失亡  
可

賈種民知漢陽軍呂升卿通判海州

敕賈種民等天下有道士知分義流品清濁各有假  
處如種民升卿亦不汝弃往服寵命益祗厥官可依  
前件

張世矩再任鎮戎軍

敕具官張世矩高平故地夷漢雜處啓以夏政疆以  
戎索惟威與信並行德與法相濟則種落內附民安  
其生以爾晉知邊情克有武畧賦政之美歷年于茲  
夫已信之民易治已練之兵易使無故乃舊益觀厥

城可

劉誼知韶州

敕具官劉誼汝昔為使者親見民病盡言而不諱處窮而不悔夫豈知有今日之報乎孔子曰巧言令色鮮矣仁夫能為朕牧養遠民惠鮮鰥寡者必剛毅不回之士也往服厥官益信汝言可

呂惠卿責授建寧軍節度副使本州安置不得簽書公事

敕凶人在位民不奠居司寇失刑士有異論稍正滯天之罪未為垂世之規具官呂惠卿以斗筭之才挾穿窬之智誦事宰輔同升廟堂樂禍而貪功好兵而

喜毅以聚斂為仁義以法律為詩書首建青苗次行  
助役均輸之政自同商賈手實之禍下及雞豚苟可  
蠹國以害民率皆攘臂而稱首先皇帝求賢若不及  
從善如轉圜始以帝堯之心姑試伯鯀終然孔子之  
聖不信宰予發其宿姦適之輔郡尚疑改過稍卑重  
權復陳罔上之言繼有碭山之貶反覆教戒惡心不  
悛躁輕矯誣德音猶在始與知己共為欺君喜則摩  
足以相懽怒則交日以相噬連起大獄發其私書黨  
與交攻幾半天下姦賊很籍橫彼江東至其復用之  
尋始借西戎之隙妄出新意變亂舊章力引狂生之

諫馴至求樂之禍興言及此流涕何追迨予  
之初首發安邊之詔假我號令成汝詐謀不圖渙汗  
之文止爲欺賊之具迷國不道從古罕聞尚寬兩觀  
之誅薄示三危之竄國有常典朕不敢私可

許懋秘閣校理知福州

敕許懋七閩之會其民智巧吏得其人則靡然心服  
不勞而治不得其人則紛然力爭雖勞不服以爾期  
政東南民用不擾旣久而信欺聲藹然肆余命爾長  
茲劇部夫身在江海之上而職在魏闕之下民之瞻  
望顧不美歟可

東坡先生集卷中 十四  
喬執中兩浙運副張安上提刑

敕喬執中等夫以卹刑之道達之于主計則非文法  
之吏以爾執中奉使東南吏服其明民懷其惠以爾  
安上賦政毗陵寬而有制嚴而不殘是以命爾各祇  
厥服夫民新脫賦泉之弊以從力役之征其謹視貪  
吏以無害我成法可依前件

宇文昌齡吏部郎祝庶刑部郎

敕昌齡等古之君子以人物掌選而士不濫進以經  
術斷獄而民無怨言嗚呼何修何飾而至此歟今吾  
一之以格律而不免於異議何哉昌齡以儒學進有

聞于人庶以世家用能宿其業勉思古人以稱朕意  
可依前件

江東提刑侯利達可江東轉運副使福建運判  
孫奕可福建路轉運副使新差權發遣鄭州傳  
燮可江東提刑知常州張安上可兩浙提刑朝  
請卽劉士彥可福建轉運判官

敕具官某等朕姑罷賦泉之令復徭役之法使民出  
力以事其上不責其所無有幾以富之閔閔焉如農  
夫之望歲也而差發之際吏或緣為姦農民在官貪  
者動心焉若郡縣御胥史不嚴而監司察郡縣不謹

東坡先生集卷中 十五  
則南畝之民不困於縣官而困於吏其與幾何爾以  
治行達于朕聽或已試之効或近臣之薦必能明識  
朕意以保民察吏爲本謹視其廉貪仁暴勤惰明闇  
以詔賞罰朕亦將觀汝所爲而進退焉可依前件

奉議王績知太康縣

敕王績朕以天下為一家然畿甸之民號為根本若  
近者不悅四方何觀焉爾以才選往服厥事馭吏以  
明保民以寬無失朕命可

新差通判齊州張琬可衛尉寺丞衛尉丞韓敷  
立可通判齊州

其官某等朕於士大夫苟便其私而無害於公者  
蓋未嘗不聽矧以養親為詞而求易地固朕之所樂  
聞也往服厥職各祇乃事可依前件

兩浙運副喬執中可吏部郎

敕具官喬執中士知愛身則知愛君知馭民則知馭  
吏故端靜惠和之士施之内外無適不宜朕察汝久  
矣今自部使者入為天官屬無易其守以稱朕命可  
供備庫使蘇子元可權知新州

敕具官蘇子元嗚呼交趾之變蘇氏之禍十年於此  
矣朕念之不哀哀忘而慙存不忍以常法待汝昇之

一郡以勸事君敬之哉思所以致此者可不敬歟可

楊汝洛待制知黃州崔台符王孝先各降一官

台符知相州孝先知濮州

敕國家臨御百年哀於庶獄好生惡殺視民如傷六  
聖一心簡在上帝而市井無賴諸愆公行若廷尉治  
獄不苛秋官議法有守則仁聖在上姦宄自消豈有  
數年之間坐致萬人之禍死者不復誰任其辜且官  
某王孝先以患失鄙夫之心而竊乘君子之器欲與  
群臣亦共分告讞之功專務巧誣以成疑似之罪試如  
覆視寬宥不然公議不容彈章交上聊從附下之

謝無辜之民服我寬恩益務循省台符改此

效馬政勉思來可毋重性愆

### 趙高摩勘轉朝議大夫

敕趙克國馮奉世名臣也而老於為將委師德郭元  
振儒者也而樂於守邊蓋疆場未寧則以外為重而  
忠義所激不擇地而安具官趙高少以異材輔之博  
學虚心大對方觀鼂董之文推較西隣遂膺呈陸之  
寄恩威並著戎夏入安論歲月以稍遷姑從舊典收  
功名於不世勉及前人可

### 趙思明知永靜軍

敕具官趙思明武吏之進以守土扞城爲高選而戎  
壘之政以平徭決獄爲餘事汝以財用往分使符知  
高選之未易得而餘事之不可忽則寡過矣可

鮮于侁大理卿

敕具官鮮于侁儒者耻爲文吏而廷尉不用仁人久  
矣流弊之未至於誦法而不知義附勢而不知法罔  
羅紛張延及無辜朕益厭之爾德惟一信道不回雖  
古于張何以遠過是以命爾庶幾天下復無寃民不  
然者朕豈以刑獄之事累老成哉可

吳處厚知漢陽軍賈種民知通利軍

敕其官某等漢口黎陽控引江河久廢為池吏民  
說比詔有司修復故壘因舊而新務適厥中平徭  
賦使民宜之明致朕意以慰父老可

顧臨直龍圖閣河東轉運使唐義問河北轉運

副使

敕其官某朕修賦役之法黜聚斂之吏上矣溥從忠務  
以養民而寬厚之弊或至於媮夫外臺按事以不失  
有罪為稱職若下有幸免之吏則必有不幸之民民  
困於吏則歸咎吾法 甚憂之太原之民困於備邊  
使者之任不輕付予以爾儒林之選號稱秀傑有

能吏之才而不薄有長者之風而不媮其服新職以  
蒞一道往任其責以寬吾憂可唐義問云趙魏之地  
被邊帶河以爾直諒之節世其家聲豈弟之心不忽  
民事必能深識朕意以肅吏靖民爲本往任其責以  
寬吾憂可

張問祕書監

敕其官張問汝策名二朝宣力四方既有聞矣而篤  
老之年克已復禮稱道不亂朕聞而嘉之起之鄉閭  
列之朝會問國故事與民疾苦廷矣不必勞以事也  
夏正午東觀以爲士大夫之表可

范子奇將作監

較其官范子奇夫以百工之事較之一路之民爲輕  
而自部刺史入居九卿爲重爾久在外服奔走之勞  
按視之勤亦少休乎今宮室器用皆有常法守之勿  
失可以寡過往若予工毋廢厥職可

錢長卿比部郎鄧義叔水部郎

敕具官某等昔漢郎官出宰百里今自監郡以上乃  
與其選任益重矣非獨爲官求人以濟無窮之務亦  
將爲國儲士以須不次之舉雖會計溝洫有司之一  
事而馭吏捍災朕將有取焉可

林邵太僕丞何琬鴻臚丞

敕具官某等爾向以才選出按常平之政官省而歸  
復使治民蓋將因能而任焉九寺之屬近在輦轂才  
之所宜易以聞達毋曠厥官朕不汝遺可

文保雍將作監丞

敕具官文保雍朕仰成元老如涉得舟待以求濟苟  
有以燕安之使樂從吾游而忘其老朕無憂焉大  
脛之屬未足以盡汝才也而從政之餘遂及爾私並  
事君親豈不休哉

李南公知滄州穆珣知廬州王子韶知壽州趙

揚知潤州

敕具官某等刺史秩六百石以按列郡而治行卓然  
乃以二千石為郡守昔以責人者今以自責則物被  
其惠民無間言爾等比皆嘗奉使督察官吏公明之稱  
達于朕聽董制江淮控臨河海任亦重矣其益勉之  
無使風采減於平昔可

高公繪公紀並防禦使

敕鄧訓之德蓋活千人叔向之功尚宥十世矧先王  
却狄之勲而聖母負屨之託子孫賢者休戚同之具  
官某性於忠孝文以禮樂襲故家仁厚之風蹈布衣

恭儉之節以爾父士林早緣肺腑逮事厚陵没于中  
年爵不配德故推餘澤以及後昆抱能未施當俟可  
爲之會臨寵而懼庶保無疆之休可

李之純戶部侍郎

較保國猶保身藥石不如養氣御民猶御馬鞭箠不  
如輕車故興利以富民不如省事而民自富廣求而  
豐國不如節用而國自豐朕嘉與庶工共行此志以  
爾具官李之純屢試以事號稱循良雖為有司不吝  
出納宜膺躡等之用庶無虛受之譏服我訓詞以厭

公議可

穆衍金部員外郎

穆具官穆衍士能用其長以自表見者朕未嘗不試  
也要之必觀其始終然後能決其進退在此選者可  
不勉與貨幣之人所以權輕重通有無而非以求富  
也往服朕訓以求終譽可

孫路陝西運判

教具官孫路關右之民困役傷財譬言之七年之病而  
求三年之艾朕日夜以思庶幾其民勇而知方以爾  
出入秦雍悉其利病往行所知以稱朕意可

蘇頌刑部尚書

東坡外傳身老口  
朕聞帝堯之世伯夷以三禮折民西漢之隆仲舒以  
春秋決獄是知有道之士必以無訟為功乃者法病  
於煩官失其守盜賊多有獄市紛然敷求迪哲之人  
以清流弊之末具官蘇頌溫文而毅直亮不囿伸由  
肅求果藝有從政之美子產叔向愛直兼古人之遺  
遭羅閔凶亦既祥禫特詔虛位以待老成與其遂曾  
閔之私哀顧懷墳墓曷若蹈威綽之前軌顯揚君親  
佇聞嘉猷以對休命可

王公儀夔州路轉運使程高夔州路轉運判

後其官某等殺法既復民知息肩矣然在官者

夫也三峽之民刀耕火耘與鹿豕雜居正賴良使  
察其侵寃使政煩而吏貪者此等豈能遠訴乎朕以  
大臣薦故擢用汝若遠民無告非獨汝久是薦者可不  
勉哉可

呂由庚太常寺太祝

敕呂由庚 先皇帝有賢執法朕不及見也思其人  
行其言用其平生所予者猶以為未足也而錄其子  
焉呼亦可以識朕意也夫詩云惟其有之是以似之  
汝勉之矣朕不汝忘可

杜訢衛尉少卿鍾離景伯少府少監

敷具官某等朕登進耆老崇德以靖民敷求雋良養  
材以待用非更練有素不輕用其人以爾訥久服官  
箴善守家法以爾景伯其敏而藝有聞下時皆吾四  
世之良往服九卿之貳益固爾守將觀厥成可

辛押陀羅歸德將軍

救其官辛押陀羅天日之光下被草木雖在幽遠靡  
不照臨以爾嘗詣闕庭躬陳珠幣開道寸種落歲致  
梯航頓自比於內臣得均被於霈澤祇服新寵益  
思盡忠可

高子壽三班借職

高子壽程力較績國有舊章命以一官勉思自効  
可

李肩可殿中省尚藥奉御直翰林醫官

敕具官李肩可醫雖一技蓋通妙物之神法有衆科以  
助好生之德故糜好爵用勸良能無忘三世之傳庶  
保十全之效可


耿政可東頭供奉官致仕

敕具官耿政筆新霈澤覃及庶工雖請老以家居亦  
先朝之逮事各從遷秩以寵歸休可

喬執中可朝請郎尚書吏部郎中

敕喬執中漢以郎官出宰百里今以郡守選屬列曹  
任人之隆於古爲重有司言爾資格當遷其郎正員  
以茂遠業可

東坡外制集卷中



東坡外制集卷下

李之純可集賢殿脩撰河北都轉運使

較乃者役錢貸息之弊民兵馬政之勞萃于北方而  
天不靖民河溢爲災老幼奔走流離道路十年於此  
矣嗚呼其孰為朕勞來安集使復其舊乎以爾具官  
李之純治辦之能嘗見於用忠厚之質不移於物是  
用進秩書殿增重使指其往撫疲瘵之俗察貪暴之  
吏無縱詭隨以謹無良朕將酌民言以觀汝政可不  
勉歟可

呂大臨太學博士

敕具官呂大臨大學禮義之所從出之不擇人以爲法而恃法以爲治可乎漢之郭太符唐之陽城韓愈士皆靡然化之其賢於法遠矣朕方詔有司䟽理學政而近侍之臣言汝可用必能於法禁之外使士有而不爲乃稱朕意可

羅適知開封縣程之邵知祥符縣

敕羅適守赤縣之衆甚於劇郡五方豪傑之林百賈盜賊之淵蓋自平時號爲難治而况市易始去適負向察後法初復農民未信以爾適學行純固有卹民之心以爾之邵才力強敏無媮安之意各服乃事以

觀其能不患不已知求為可知者可

杜純刑部員外郎

教杜純用法如權衡權可以輕重移而衡不可以毫  
髮欺故司寇之職必有守道之長貳而輔之以守官  
之僚屬汝昔為士師秉節不回獨持正議以直群枉  
往服敗官無易汝守以不忍之心行無心之法則予  
汝嘉可

劉霆知陳留縣

教具官劉霆縣劇而難治故有司難於用人地近而  
易知故才者樂於自用臨政以簡決獄以明御史以

嚴去盜以武能此四者孰不汝知可

皇伯仲曄贈保寧軍節度使東陽郡王

敕祖宗之德天地並隆施及子孫皆享民社勝衣有  
朝請之奉闔棺有茅土之封始終之間哀榮斯極具  
官仲曄寬厚寡過雍容有常生不勤於父師沒見思  
於姻族既得考終之道可無追遠之恩豹尾神旗守  
臣之威命金璽盤綬諸侯之寵章服我寵光以賁  
電窳可

杜紘右司郎中

具官杜紘士歷都司即踐清要非一時名勝不在

此選爾以文無害而宿其業往服乃事益茂朕德  
稱朕命可

皇城使裴景知慈州莊宅副使郭逢知階州西  
京左藏庫副使王克詢知順安軍

敕具官某等朕銓擇將吏視其才力彊敏可任以事  
者必試之治民苟不知愛民奉法馭吏而戢士雖智  
勇有聞朕無取焉爾等皆以考績察廉號稱明練  
薦者交章故在此選往服厥官無失朕命可依前件  
借職楊晟該差使吳奉雲等各轉一官

敕某等向敕邊臣增葺城堡所以護安民夷各全其

東坡先生集卷一  
生爾能相率獻田出力有足嘉者服我爵秩永保忠  
順可

呂大忠發運副使

敕具官呂大忠發運使按治六路所部幾萬里持節  
出使未有若此其重者也以爾更練世故果於從故  
屢試劇部厥聲藹然是以命爾均南北之有無權貨  
幣之輕重使農末俱利公私宜之以稱朕意可

蔣之奇集賢殿脩撰知廣州

敕具官蔣之奇按治嶺海統制南極聲教所暨遐聞  
風采自唐以來不輕付予朕既擇其人復寵以秘殿

之職使民夷縱觀知其輟自禁嚴以見朝廷重遠之意其於服從畏信豈不有助也哉可

吳安持知蘇州劉垚知滑州

敕具官某等兩河之俗朴其弊也悍而輕犯法三吳之俗巧其弊也流而不知止惟君子爲能去其已甚濟其所不及故所居而民安之朕求二郡守訪之左右咸曰汝宜往服朕訓因俗而治可依前件

謝知材陝西轉運使

敕具官謝知材治邊者不計財惟邊之所用治財者不卹民惟財之爲富此古今之通患也朕知汝才知

可倚忠厚可信故以西方之政責成於汝往與帥守  
者謀之惟適厥中以民爲本可

李曼知果州

敕具官李曼蜀之人治蜀知其好惡察其情僞宜若  
易然又况於寬而明和而毅如汝曼者乎乃者無實  
之訴朕既察之矣乘傳西歸平賦役省條教以慰父  
夫之望可

黎珣知南雄州

敕黎珣領海之遠吏輕爲姦非良守令民無所赴告  
往祇厥官如在近甸則予汝嘉可

張赴再任乾寧軍

敕具官張赴使者言汝為政有方民甚宜之當銷  
留以慰民望可不勉哉可

皇伯仲嬰贈奉國軍節度使追封申國公

敕祖宗之意仁孝為先孝故重篤於親仁故閔勞以  
事雖豐功盛烈不見於宗室而今名美實克全於始  
終死喪之威哀歎何及其事仲嬰少而簡素輔以溫  
文既克己以歸仁亦樂善而忘勢信順多助蓋天有  
上吉之祥高明令終真既醉太平之福建元戎之六  
壽蘇錫上公之九章維以勸忠豈云虛授庶幾幽壤服

我寵靈可

林郡開封推官

敕具官林郡天府之劇古稱難治非兼人之資有不能濟今自逋負逃亡悉歸之凶相宜若易辦然天辨之易則責之詳爾材敏素聞而以舉用往取乃長使治衆如治寡以稱所舉可

鄧義叔主客郎中王諤水郎郎中

敕具官某等史慈數易而事有不得已者通商惠農水政為急而招携柔遠賓客之事亦重矣各祇乃事為安常樂職之計可依前件

王荀龍知棣州

敕具官王荀龍平原厭次沃野千里桑麻之富衣履  
天下宜得老成循吏以輔安良民式遏姦慝訪之左  
右咸曰汝宜往采心乃心朕將觀焉可

黃憲章獲賊可承事郎

敕具官黃憲章勞能之賞不計日月爵祿之報必視  
首功宜從遷秩之勞以勸追胥之勇可

御史中丞劉執兼侍讀

敕孟子有言君仁莫不仁君義莫不義一正君而天  
下定矣朕惟臺諫言責之臣雖知無不言常救之於

已失而勸講進讀之士蓋朝夕納誨故日化而不知合  
於孟子正君之義非獨有司之事也且官劉摯以道  
事君非法不言使朕日聞所不聞天下稱焉宜因古  
今冊書之成文取其裨壞治忽之要論言之於無事  
救之於未失使朕立於無過之地豈非汝爭臣之大  
願乎可

處七王臨試太學錄

敕具官王臨觀近臣以其所爲主觀遠臣以其所主  
朕初不汝知也而光論汝可用其試之太學汝勉之  
矣朕旣因光以知汝亦將考汝所爲而觀光焉可

皇叔克眷贈曹州觀察使追封濟陰侯

我先王建邦啓土必先宗盟上自魯衛下至應韓  
室之子莫不南面國家自仁率親專於教愛故生無  
吏責而富以祿沒享隆名而告諸幽忠怨之道可謂  
備矣具官克眷以茂美之質服信厚之化雖功名才  
業不見於用而恭儉孝悌刑于厥宮命以廉車即侯  
其地皆國之舊非朕敢私庶幾有知服我休命可  
寇彥卿彥明左班殿直以元殿直寇彥  
古未樂成死事  
敕具官寇彥卿士不惜以身徇國朕獨何愛一官不  
以收恤其家乎祇服朕命毋忘死者可

駙馬都尉張敦禮節度觀察留後

敕軒冕之來德量爲稱外無充詘之容可以觀德內  
若固有之安可以言量具官張敦禮少以經術秀於  
士林雖緣姻戚之選不失儒素之行日奉朝請旣抱  
才而未試坐閱歲月亦久次而當遷進居兩使之間  
增重諸情之遇益礪士節以爲國華可

內人張氏可特封典贊

敕張氏朕幼學之初未祗外傳命爾執業以侍左右  
勤勞有年恭謹寡過進掌儀範以旌徽柔可

故尚宮趙氏可特贈郡君

魏氏先朝差擇女士以輔陰教侍御左右圖匪  
久矧茲六尚之選必備四教之法奄焉淪喪宜極哀  
榮以爾名族之美掖廷之舊行應圖史言中物則彤  
管有煇旣傳好德之芳象服是宜無愧飾終之典庶  
幾幽壤服我寵章可

馮宗道右驥驥使內侍省內侍押班梁惟簡文  
思副使內侍省內侍押班

敕具官某等爵祿天下之公器也朕不敢以私暱之  
愛而輕用其賞亦不敢以近習之嫌而不錄其功以  
爾等小心忠孝逮事列聖出入中外劬勞百爲而宗

道以藩邸攀附之勤惟簡以東朝奉事之久各選所  
尚加重其任益勵素守以稱異恩可依前件

梁從吉遥郡團練使入內侍省副都知

敕祖宗之化自家刑國故雖左右近習之臣莫不好  
善而知義彬彬然有士君子之風焉具官梁從吉莊  
重有守溫良寡過給事官省知無不爲服勤遠微克  
有成績改錫戎團之命進助內宰之政并勵素守以  
稱異恩可

劉有方內侍省右班副都知

敕祖宗之化自家刑國故雖左右近習之臣莫不好

善而知義彬彬然有士君子之風焉具官劉有方溫  
恭和毅勤強練密進從王事以法令為師退安私室  
以圖史為樂進頌者瑞之貳益親中禁之嚴惟忠與  
敬乃稱朕命可

崔思知泉州周之純知秀州沈季長知南康軍  
敷具官某等朕惟四海之廣一夫不獲足以害教化  
之成傷陰陽之和故選建守長必以學士大夫為先  
孔子曰君子學道則愛人小人學道則易使也爾等  
皆以儒術進有聞于時矣其深識朕意往行所聞欽  
其可

馬儔正大理寺主簿

敕具官馬儔正哀敬折獄明啓刑書理官之任也主簿雖卑亦有事於其間矣爾以選用其勉服此言可張之諫權知涇州康識擢發遣鄜州

敕具官某等邊郡之政兵食為先郡守之責文武兼綜以爾等才力之選卓然有聞治辦之效見于已試朕雖招携來遠不求邊功爾當積穀訓兵常若寇至祇率取服往惟欽哉可依前件

梁誥洪備庫副使轉出

敕具官梁誥奉事之久累勞當陞求從外遷亦各其

意進貳諸使往齒外朝益務廉平以荅休寵可

燕若古知渝州

教具官燕若古汝向以才選奉使東方官省而歸因  
以得郡蓋可謂異恩矣巴峽之嶮邑居褊陋負山臨  
谷以爭尋常獨渝為大州水土和易商農會通賦役  
爭訟甲於旁近毋以僻遠鄙夷其民欽哉可

刪定官孫譔鮑朝賓並宣議郎

教具官某等廷見改官法之所嚴也歲月之課保任  
之數差若銖黍輒不得遷今於汝獨略之者豈非以  
制法定令汝與其議故輟祗服朕命以法自律無徒

知之可

王振大理少卿

敕具官王振任法而不任人則法有不通無以盡萬  
變之情任人而不任法則人各有意無以定一成之  
論朕虛心以聽人法兼用以爾出入中外敏於從政  
詳平奏讞審於用律廷尉之事爾惟副之夫法出於  
仁成於義勉思古人以稱朕命可

李顓宣德郎

敕具官李顓朕有大政令使近臣摠領其議民之休  
戚國之治亂成其手可謂重矣爾以儒術進以邑政

選而為之官屬亦豈輕哉二三臣者言爾當遷其  
朕命益祇乃事可

趙思明西上閣門副使

敕具官趙思明國之宗臣義同休戚故文終之後配  
漢並隆而梁公之孫與唐無極國家佐命元老獨高  
韓王鉉勲太常侑食清廟爰自近歲歎其中微乃眷  
裔孫尚有遺烈宜因近侍之請進陞上閣之貳勉蹈  
祖武副朕懷人追遠之心可

李承祐內殿崇班

班內臣轉官

敕具官李承祐奉事滋久累榮當遷遂齒外朝播

紳之列益思忠蓋毋忝恩榮可

蕭士元知隰州趙永寧知永靜軍

敕具官某等文武異用而其道同一心國異容而其情  
一爾以才選往莅厥服惟少私寬公欲則民自靖惟奉  
法循理則吏自畏祗率朕訓欽哉可

黃光瑞可內殿崇班

敕黃光瑞朕覆養華夷義均臣子愛重爵賞必加  
有功以爾昔助王師遠獲通寇歷年滋久宜示異恩  
朕我寵休永思忠蓋可

文貽慶可都官自外郎居中可宗正寺上簿

教其官其等昔江左二老王導謝安唐之元勳汾陽  
平皆以積德流慶子孫多賢布列臺省為邦之光今  
吾太師氏亦庶幾焉爾等才行之美所資者深聞見  
之廣不扶自直宜近而遠未稱朕意其歸服乃事同  
寅協恭以究事君親之義可

皇兄令史贈博州防禦使博平侯

敕爵齒之貴並隆於朝廷死喪之威莫先於兄弟禮  
有哀血義兼哀榮故具官令史端享有常靖恭寡過  
生不勤於保傅沒見思於族姻宜分竹符就賜茅社  
服予惇叙之寵慰爾永歸之魂可

高士永知文州

敕具官高士永自將為守非藝而果不在此選治兵  
欲嚴御史欲明撫民欲寬守邊欲信汝勉之矣毋廢  
朕命可

太皇太后再從弟高士續高士湑可並左班殿直  
文思副使梁惟簡可皇城副使

敕具官某等朕惟坤元成物之恩雖以天下養無足  
稱其德者故推餘澤以及葭莩之親左右奉事之臣  
雖天地之施無所報塞尚勉忠孝以答萬一可

范百祿刑部侍郎

殺朕哀敬五刑期協中道論者志於殺惟殺之務則  
深而失情讞者志於生惟生之知則玩而廢法朕欲  
情法兩得生殺必中非俗吏之所能思古人而求歎  
爰試以事乃得其人具官范百祿少以異材輔之薰  
學昔奉大對有守禮憂國之言旋為爭臣有責難愛  
君之意必能參用經術折中人情民自以為不寃汝  
當務致此者吾必也使無訟朕亦將庶幾焉可

朱先庭左司諫王覲右司諫

敕具官某等惟善人能受盡言故昔之諫者常有不  
容之憂然有志之士猶且不顧忠義所激憂患可忘

今朕恭己無為虛心以聽汝等所論蓋無虛日朕亦有拒而不聽聽而不用者乎各服新命盡所欲言而不從朕則有愧知而不言汝亦負朕可不勉哉可  
鮮于侁左諫議大夫梁燾右諫議大夫

敕仲虺言湯之德曰改過不吝孔子論一言而喪邦曰惟予言而莫余違嗚呼天下之治亂安危有不出於此者乎朕夙興夜寐思聞其過厥愆愆曰朕之愆不啻不敢含怒而况於左右輔弼之臣歟具官鮮于侁邦之老成久試于外金石之節皓首不衰具官梁燾出入館殿蓋二十年守道篤志無所阿附皆吾爭臣

之選也朕之於事無必無我可則行之否則更之使  
天下曉然知朕樂聞其過書之史冊足為美談若乃  
進則詭詞退則焚章衰世之事朕無取焉可

王巖叟侍御史

敕具官某爾以御史論事稱職權居諫垣而能秉心  
不回忠言屢聞考其所爭之義皆有可行之實予  
維寵嘉之茲復命爾往貳執法樂於從善朕志亦可  
見矣易曰大君有命開國承家小人勿用必亂邦也爾  
謹視中外毋縱詭隨以成我純一之政可

錢總給事中

敷朝廷之政根本於中書而樞機於門下出入考慎  
然後布之天下一成而不反後世有述焉雖用人惟  
巧而至於封駁之任其選尤重其官錢總文學議論  
世其先人典章憲度傳通前世詞命之富多而愈工  
風力之憂煩而不亂其服新命益脩厥官使為政者  
難於造令而承流者無所議法則惟汝賢可

明堂執政加恩

韓維

敕朕於訪落之初躬總章之祀追嚴烈考以侑上帝  
七政軌道四海來格禮樂具舉天人並應非余一二

大臣同德比義燮和神民何以致此哉具官韓維全  
德雅望外為師表忠言嘉謀入告惟嚶望其容貌足  
以知朝廷之尊聞其風烈足以立貪懦之志艱難之  
際垂拱仰成宜修舊典之常均被慶成之澤同底于  
道朕有望焉可

張璪

敕親祠合宮昭事上帝明發不寐惕然有懷求惟神  
考之烈高出百王之表選達辭辟遺我後人齊于艱  
難克有成績具官張璪碩材不器俊德自明衛上之  
忠惴欵四世應務之敏勤勞百為迨茲配饗之成

宜均慈嘏之福服我明命未有一心可

李清臣

敕祇奉嚴禋肆行大賚誠通幽顯澤被中外六成之  
樂上格於穹壤四簋之黍下浹於輝庖矧余元臣相  
成釐事神人所保需澤宜先具官李清臣德配先民  
才高當世早以天人之與予發為經緯之文左右先朝  
克有成績屬余訪落之始共濟艱難之中迨茲慶成  
均被慈告宜疏井邑之賜以示臣工之榮永孚于休  
以稱朕意

安燾

於皇烈考屬余大器夙夜祗懼若涉冰淵乃者饗  
帝合宮風雨時若肆青象魏謳歌聿歸惟天人之應  
萃于眇躬蓋左右之助實賴將相具官安燾奮自  
儒術為時名臣燮和兵戎無傷財害民之警言持守法  
度有送往事居之忠迨茲慶成均被慈告井邑之賜  
國有舊音與民同休居寵無愧可

范純仁

教朕出款真室還祀合宮祗見昊天陟配文考禮樂  
具舉華夷駢奔方忝默無言之中繫辟公顯相之賴  
率禮弗越肆予汝嘉具官范純仁慶曆名臣之家熙

寧正諫之士著績西鄙授任中樞謨猷靖深兵常消  
伏領使奉祠之日助成大享之勤降福孔多推恩宜  
廣矧予宥密之地可無勲邑之加往服寵章益敬  
毋怠丁

呂大防

敕朕有事總章升侑神考四輔在位一日工在廷黷假  
無言各率其職迨此釐事之畢匪我冲人之能思與  
群公均受帝祉具官呂大防擢自英祖休有直聲被  
遇裕陵愈彰忠方入總文昌之轄手跡罅錯之煩六  
事所瞻倚以為重三府之議於焉取平宜加於代之

將益增并賦之衍朕我沐命思勉厥終可

韓忠彥黃履並特轉朝請郎

教考績之法三代共由雖余左右之信臣猶以歲日

而叙進率循其舊亦不爾私具官韓忠彥頌然異材

奮以儒術典朕三禮識古人之大全歷事四朝有宗

臣之餘烈有復受封深秉德純國八出更藩垣遂無東顧之念祇服

新命益脩厥官尚勵有為之心以需不次之舉可

皇叔祖克愛皇叔仲虢並遙郡團練使

敕朕不以親廢法亦不以義掩恩故宗室之英雖不

任事而歲月之考必付有司以爾具官克愛篤行有

東坡外集卷之十七  
十七  
常率履如一以爾具官仲號居寵而戒好德不回既  
累日以當遷非無名而虛授益務忠敬以保厥家可  
王獻可洛苑使

敕具官王獻可傳不云乎詩書義之府禮樂德之則  
禦侮扞城亦儒者之事也汝以詞學進而以武幹聞  
肆予虎臣謂汝可用往服新命以成汝志可

陳次升淮南提刑

敕具官陳次升春秋書無麥禾蓋病之也今吾淮甸  
之民夏旱秋水望熟於來歲譬如負重涉遠未知所  
舍朕甚憂之汝自百里長以才能巽朕朕耳目其往

按視省刑獄均力役督盜賊去姦吏使民忘其失以稱朕意可

杜純大理少卿

敕杜純治獄得其道仁及幽顯澤流子孫苟非其人災及草木身任其禍朕敬而畏之久難其人以爾用法平直守道純固不以進退榮辱抑揚其心故在此選靡不有初終之實難可不勉哉可

郭駿開封府司錄參軍

敕其官郭駿汝昔為獄官六撓于執事以陷無辜之人坐失厥職秉義不回有足嘉者往隸天府揔

東坡外制集卷之十一  
攝群掾毋易汝守朕將觀焉可

林希中書舍人

敕文章之變與時盛衰譬言如八音可以觀政而况誥  
命之出學者所師號令以之重輕風俗因而厚薄本  
朝革五代積衰之氣繼兩漢爾雅之文而大道中微  
異端所汨欲復祖宗之舊必以訓詞為先故難其人  
不以輕授具官林希博學強識篤學力行綽有建安  
之風流逮聞正始之議論往受外制為朝廷常潤色  
其精微期配昔人使天下識典刑之長髮務究所學  
朕將觀焉可

東坡外制集卷之十一



浙江圖書館善本

·登記號：0004~1

一九五八年三月十四日









